

## פרק קד

(א) בְּרַכִּי נַפְשִׁי אֶת יְהוָה יְהוָה אֱלֹהֵי גְדֻלַּת מְאֹד הוֹד וְהָדָר לְבִשְׁתָּ: (ב) עֵטָה אֹר כַּשְׁלֵמָה נוֹטָה שָׁמַיִם כִּירִיעָה: (ג) הַמְקָרָה בְּמַיִם עֲלִיּוֹתָיו הַשָּׁם עֲבִים רְכוּבוֹ הַמְהַלֵּךְ עַל כַּנְפֵי רוּחַ: (ד) עֲשֵׂה מְלֹאכֶיךָ רוּחוֹת מְשֻׁרְתָיו אֲשֶׁר לֵהֵט: (ה) יִסַּד אֲרֶץ עַל מְכוּנֶיהָ בַּל תִּמּוּט עוֹלָם וְעַד: (ו) תְּהוּם כַּלְבוּשׁ כִּסִּיתוֹ עַל הָרִים יַעֲמְדוּ מַיִם: (ז) מִן גְּעַרְתֶּךָ יְנוֹסוּן מִן קוֹל רַעֲמֶךָ יַחֲפֹזוּן: (ח) יַעֲלוּ הָרִים יִרְדּוּ בְקַעוֹת אֶל מְקוֹם זֶה יִסְדַּת לָהֶם: (ט) גְּבוּל שְׁמַת בַּל יַעֲבְרוּן בַּל יִשְׁבוּן לְכִסּוֹת הָאָרֶץ: (י) הַמְשַׁלַּח מַעֲיָנִים בְּנַחְלִים בֵּין הָרִים יִהְלִכוּן: (יא) יִשְׁקוּ כָּל חֵיתוֹ שְׂדֵי יִשְׁבְּרוּ פְּרָאִים צִמָּאִים: (יב) עֲלִיהֶם עוֹף הַשָּׁמַיִם יִשְׁכּוּן מִבֵּין עֶפְאִים יִתְנוּ קוֹל: (יג) מִשְׁקָה הָרִים מַעֲלִיּוֹתָיו מִפְּרִי מַעֲשִׂיךָ תִּשְׁבַּע הָאָרֶץ: (יד) מִצְמִיחַ חֲצִיר לְבִהְמָה וְעֵשֶׂב לְעַבְדַּת הָאָדָם לְהוֹצִיא לֶחֶם מִן הָאָרֶץ: (טו) וַיִּין יִשְׁמַח לִבָּב אֲנוּשׁ לְהַצְהִיל פָּנִים מִשְׁמֹן וְלֶחֶם לִבָּב אֲנוּשׁ יִסְעַד: (טז) יִשְׁבְּעוּ עֲצֵי יְהוָה אֲרָזֵי לְבָנוֹן אֲשֶׁר נָטַע: (יז) אֲשֶׁר שָׁם צִפְרִים יִקְנֶנוּ חֲסִידָה בְרוּשִׁים בֵּיתָה: (יח) הָרִים הַגְּבֹהִים לִיעֲלִים סֹלְעִים מַחֲסֵה לְשִׁפְנִים: (יט) עֲשֵׂה יָרַח לְמוֹעֲדִים שֶׁמֶשׁ יָדַע מְבוֹאוֹ: (כ) תִּשְׁתַּחֲשֵׁךְ וִיחִי לַיְלָה בּוֹ תִרְמַשׁ כָּל חֵיתוֹ יַעַר: (כא) הַכְּפִירִים שְׂאֲגִים לְטָרֶף וּלְבַקֵּשׁ מֵאֵל אֲכָלִים: (כב) תִּזְרַח הַשֶּׁמֶשׁ יֵאֲסֹפוּן וְאֵל מְעוֹנְתֶם יִרְבְּצוּן: (כג) יֵצֵא אָדָם לִפְעֻלוֹ וּלְעַבְדָּתוֹ עַדֵי עָרֵב: (כד) מֶה רַבּוֹ מַעֲשִׂיךָ יְהוָה כָּלִם בְּחֻכְמָה עֲשִׂיתָ מְלֵאָה הָאָרֶץ קִנְיָנֶךָ: (כה) זֶה הַיָּם גְּדוֹל וְרַחֵב יָדַיִם שָׁם רָמַשׁ וְאִין מִסְפָּר חַיּוֹת קִטְנּוֹת עִם גְּדֻלוֹת: (כו) שָׁם אֲנִיּוֹת יִהְלִכוּן לוֹיִתָן זֶה יִצְרַתָּ לְשַׁחֵק בּוֹ: (כז) כָּלִם אֵלֶיךָ יִשְׁבְּרוּן לְתַת אֲכָלִם בְּעַתּוֹ: (כח) תִּתֵּן לָהֶם יִלְקֻטוּן תִּפְתַּח יָדְךָ יִשְׁבְּעוּן טוֹב: (כט) תִּסְתִּיר פְּנִיךָ יִבְהַלּוּן תִּסֹּף רוּחָם יִגּוּעוּן וְאֵל עֶפְרָם יִשׁוּבוּן: (ל) תִּשְׁלַח רוּחְךָ יִבְרָאוּן וּתַחַדֵּשׁ פְּנֵי אֲדָמָה: (לא) יְהִי כְבוֹד יְהוָה לְעוֹלָם יִשְׁמַח יְהוָה בְּמַעֲשָׂיו: (לב) הַמְבִיט לְאָרֶץ וּתִרְעַד יִגַּע בְּהָרִים וַיַּעֲשֶׂנוּ: (לג) אֲשִׁירָה לִיהוָה בְּחַיֵּי אֲזַמְרָה לְאֱלֹהֵי בְעוֹדֵי: (לד) יַעֲרַב עָלָיו שִׁיחֵי אֲנָכִי אֲשַׁמַּח בֵּיהוָה: (לה) יִתְמוּ חֲטָאִים מִן הָאָרֶץ וּרְשָׁעִים עוֹד אֵינָם בְּרַכִּי נַפְשִׁי אֶת יְהוָה הֲלָלוּ יְהוָה: